

سهلکی در سعادت ایچون مجیدیه
بکرمی غروش حسابیه التمش
غروشدر

طشره ایچون پوسته اجرتی اوله رق
اون بش غروش ضم اولنور

نسخه سی ۴۰ پاره در

فکرانک

آبونه اولق ایستینلر دائره عدلیه ده
اداره مخصوصه سنه مراجعت
ایتملدر

اعلاناک بهرندن بر مجیدیه اخذ
ایدیلور

نسخه سی ۴۰ پاره در

هفته ده ایکی دفعه جمعه ایرتسی و چهارشنبه کونلری نشر اولنور . محتویاتی امور عدلیه به متعلقدر

تجربیات

بولی سنجانی بدایت محکمه سی مدعی عمومی
معاونلکی اماسیه سنجانی بدایت محکمه سی مدعی عمومی
معاونی قوتلو خالد بکه
اماسیه سنجانی بدایت محکمه سی مدعی عمومی
معاونلکی بولی سنجانی بدایت محکمه سی مدعی عمومی
معاونی قوتلو جمال افندی به
تکه سنجانی بدایت محکمه سی مدعی عمومی معا-
ولکی اسکچه قضایی بدایت محکمه سی مدعی عمومی
معاونی علی فهمی افندی به
اسکچه قضایی بدایت محکمه سی مدعی عمومی
معاونلکی بانیه ولایتی استیناف محکمه سی باش کاتبی
عاکف بکه تفویض بیورلمش ومومی الهمک اولجه
امر تحلیفلی اجرا ایدلمشدر .

حسن خدمته مبنی بک اوغلی بدایت محکمه سی
مستطق اعضاسندن سعادتو جمال بک افندی به ترفیعاً
رتبه اولی صنف ثانسی توجیه بیورلمشدر .

تبلیغات

اعشار ملتزمینک عیناً و یا نقداً اهالی ذمتلرنده
اولان مطلوباتنک صورت تحصیل حقه ده اعشار نظا-
منامه سنک اوتوز طقوزنجی ماده سنه علاوه اولنان
ذیل احکامنک صورت تطبیقده محاکمه مختلف
معاملات جریان ایتکده اولوب بعض قضائر محاکمه
ملتزمک یوز غروشندن دون اولان مطلوباتنه دائر
تنظیم ایلدیکی عرضحال بالاسنده اسامیسی محرر مدیو-
نلره یوم محاکمه مین ظهر عرضحاله یازیلان شرح
مباشر واسطه سیله بالتبلیغ امضالری آلهرق دعوته
اجابت ایدنلر حقه ده وجاهاً وکیانلر حقه ده غیاباً
محاکمه اجزاسیله بالاخرج آیری آیری تنظیم واعطا
قلنان مذکورلر اصولی دائره سنه بعدالتبلیغ موقع
اجرایه قونیلوب یوز غروشندن زیاده اولان مطلوبات

محاکمات

در سعادت استیناف مدعی عمومی بیلکندره :

جنوره به فرار ایدرک ارباب فسادده التحاق
ایتدیکی ادعاسیله متهم بولنان مکتب حربیه
شاهانه طلبه سندن و شروانی زاده لردن محمود
طاهرک اجرا قلنان محاکمه غیابیه سی نتیجه سنده
مابه الاتهای اولان افعاله جراتی ثابت اوله رق
قانون جزانک الی سکرنجی ماده سنک فقره
اولاسی حکمنه توفیقاً مؤبداً قلعه بند ایدلمسنه
و اوتوز برنجی ماده قانونیه منطوقنجه ده
حقوق مدنی دن اسقاط ایدلمسنه و ذاتاً جزای
قرارلشدیریلان اموالنک اصول محاکمات جزائی
قانوننک اوچپوز یتش یدنجی ماده سی موجبجه
اداره ایتدیرلمسنه محکمه جنایتدن حکم ایدلمش
و ذکر اولنان اصول محاکمات جزائی قانوننک
اشبوماده سیله اوچپوز یتش سکرنجی و اوچپوز
سکسان برنجی ماده لری ومواد سائر سی احکامنه
توفیق معامله اولنسی مرجعنه بیلدیرلمش
بولندیفندن اعلان کیفیته ابتدار قلندی .

امیتی سوء استعمال ماده سندن دولای مظنون
اولان عیسی کهیا ورفقای سائر سی حقلرنده انقره
ولایتی استیناف محکمه سی جزا دائره سندن ویریلان
اعلامک تمیزی حقه ده مرقومون طرفندن اعطا و
محکمه مذکوره مدعی عمومی بیلکندن اسرا قلنان
استدعانک ردینه محکمه تمیز استدعا دائره سنجه قرار
ویرلمشدر .

ابراهیمک کیفیت جر خندن دولای مظنون اولان
احمد چاوشک درت ماه حبسنه دائر قیرشهری سنجانی

خرج ورسومه تابع طوتیلور ایکن اماسیه سنجانجه
ملتزمک مطلوبی یوز غروشندن اشاخی ویا زیاده اولسون
ویریلان بر عرضحال اوزرینه مدعی علیه اولنلر همان جلب
اولنوب امر محاکمه لری اجرا وتنظیم اولنان مذکوره
طوغریدن طوغری به دائره اجرایه اسرا اولندیکی
کی دائره مذکوره دخی مدیونه مذکوره نک تبلیغ اولنوب
اولندیغنه باقیه رق و حتی تبلیغی لاجل التمیز طلب
ایتسه بیله تبلیغی جهتنه کیتیمه رک حکم واقعی اجرا
ایتکده و بوضورتله هم مدیونک تمیز حق ساقط
اولقده همد محاکمه دن وماهیت حکم وقراردن اصلا
خبری بولنماقده اولدیغندن بحثله بویکی درلوصورت
معامله دن هانکیسنک تطبیق لازم کله چکی حقه ده
اماسیه سنجانی بدایت محکمه سی ریاستندن وقوعبولان
اشعار اوزرینه ایجاب کیفیت انجمن عدلیه جه لدی-
التذکر بوبابده لواء مذکورجه جریان ایتدیکی
حکایه قلنان صورت معامله بالوجوه قانونه مخالف
اولوب چونکه متعدد اشخاص ذمتلرنده کی مطلوباتک
بر عرضحال ایله دعواسی قانوناً غیر جائز اولدیغندن
ملتزمک اهالیدن متعدد کسان ذمتلرنده بولنان
مطلوباتنک تحصیلی دعواسنده مدیونلردن هربری
حقه ده آیرو آیرو عرضحال اعطاسیله اقامه دعوی
ایتمی و محکمه جه ده مدعا به یوز غروشندن زیاده ایسه
تعریف قانونی دائره سنده و نقصان اولدیگی حاله
بلاخرج مدعی علیه لر بشقه بشقه جاب واصلی
دائره سنده محاکمه لری بالاجرا ویریله چک قرارلرک
مقدارجه یوز غروشندن زیاده اولنلری آیروجه اعلا-
ملره ربط اولنسی و نقصان اولنلری بلاخرج ظهر
استدعا به ترقیم قلنسی مقتضی بولنسنه نظر آصورتین
مذکور تیندن برنجیسنده بالاسنده مدیونلرک اسامیسی
محرر بر عرضحال اوزرینه متعدد کسان حقلرنده
جریان ایتدیرلیدیکی اکلاشیلان محاکمه و جلب معامله-
سی دخی مغایر قانون کورنمش اولدیغندن صورت
مسروده دائره سنده ایفای معامله اولنسی لازم کله-
چکی تذکر قلنمش واولوجه ریاست مذکوره به اجرای
تبلیغات اولنمشدر .

بدایت محکمہ سی جزا دائرہ سندن ویریلان اعلامک تمیزی حقدہ اعطا و محلی مدعی عمومی معاون لکندن اسرا قناتن استدعا تکرار دینہ محکمہ تمیز استدعا دائرہ سنجہ قرار ویرلشدر .

پره شوه قضاسنه تابع همونجه قریه سی اها لیسندن مصالح حضرت کیفیت قتلندن دولای جنایتله اتهام اولنان مقتول مرقومک برادری احمدک اون بش سنه مدته کورکه قولنسنه دائر پرشته سنجای بدایت محکمہ سی جزا دائرہ سندن ویریلان یوز طقوز نومرولی اعلام محکمہ تمیز جزا دائرہ سنجہ تصدیق ایدلشدر .

یوزغادلی علی بی قتل ایدلکی ادعا اولتمسندن دولای جنایتله اتهام اولنان رژی مفتش لردن محمد افندیکن اون بش سنه مدته کورکه قولنسنه دائر در سعادت جنایت محکمہ سندن اعطا قناتن یوز الی بر نومرولی اعلام محکمہ تمیز جزا دائرہ سنجہ تصدیق ایدلشدر .

کراجی خرسو ولد میخالک کیفیت قتلندن دولای جنایتله اتهام اولنان بلا تخته چفتلکی بکجیسی شرفک اون بش سنه مدته کورکه قولنسنه دائر سلا نیک ولای استیاف محکمہ سی جزا دائرہ سندن اعطا قناتن اکیوز الی یدی نومرولی اعلام محکمہ تمیز جزا دائرہ سنجہ تصدیق ایدلشدر .

ارمناک قضاسنک دکرماناک محله سی اها لیسندن متوفی عباده اغانک خانه سندن تقود واشیا سرقه ایتسندن دولای جنایتله اتهام اولنان حاجی حمزه نک اوچ سنه مدته کورکه قولنسنه دائر ای ایل سنجای بدایت محکمہ سی جزا دائرہ سندن اعطا قناتن تمش طقوز نومرولی اعلام محکمہ تمیز جزا دائرہ سنجہ تصدیق اولمشدر .

یکجه نک بوجاده محله سی اها لیسندن غونو ولد یوانک کیفیت قتلندن دولای جنایتله اتهام اولنان محله مذکورلی لیغور ولد یوانک اون بش سنه مدته کورکه قولنسنه دائر سلا نیک ولای استیاف محکمہ سی جزا دائرہ سندن اعطا قناتن در تپوز اوچ نومرولی اعلام محکمہ تمیز جزا دائرہ سنجہ تصدیق اولمشدر .

دوزجه قضاسنک بیوک اخچه قریه سی اها لیسندن ابراهیم بن حاجی حسن افندیکن ضرباً وقتنه سبیت ویرمسندن دولای جنایتله اتهام اولنان متوفای مر قومک برادری یعقوبک بش سنه مدته کورکه قولنسنه دائر بولی سنجای بدایت محکمہ سی جزا دائرہ سندن اعطا قناتن ایکی یوز آلتش بش نومرولی اعلام محکمہ تمیز جزا دائرہ سنجہ تصدیق ایدلشدر .

علی بن محمودک خانه سی قوسنی قیره دق سرقه جرأت ایتسندن دولای جنایتله اتهام اولنان عزیز بن سلیمانک اوچ سنه مدته کورکه قولنسنه دائر موصل ولای مرکز بدایت محکمہ سی جزا دائرہ سندن ویریلان الی نومرولی اعلام محکمہ تمیز جزا دائرہ سنجہ تصدیق ایدلشدر .

نظیف اوغلی حسنک کیفیت قتلندن دولای جنایتله اتهام اولنان کلیس قضاسنک معمل او شای قریه سندن یعقوب بن حسن و محمد بن اسماعیل و عمر بن شوریه نک یدیشر سنه مدته کورکه قولنسنه دائر حلب ولای استیاف محکمہ سی جزا دائرہ سندن ایکنجی دفعه اوله دق ویریلان اون ایکی نومرولی اعلام محکمہ تمیز جزا دائرہ سنجہ تصدیق ایدلشدر .

قتل قصدیله جرح فعلندن دولای جنایتله متهم اولان قیصر یلی نقاش بحری بن حسنک اوچ سنه مدته کورکه قولنسنه دائر در سعادت جنایت محکمہ سندن ویریلان اون درت نومرولی اعلام محکمہ تمیز جزا دائرہ سنجہ تصدیق ایدلشدر .

۴۸ نومرولی نسخه ده مندرج جنایت محکمہ سی اعلامنک بقیه سی :

متهمل طرفندن مدت قانونیه سی ظرفده اعطا ایدیلن مدافعه شهودی استدعا سندن اسملری محرر اولوب دعوت واقعه اوزرنه ورود ایتدکری خبر ویریلن شاهدلر حضور محکمہ یه چقاریله دق لدی السؤل متهملره قرابت و مناسبتلری اولدیگی آکلا شلمغه بعد التحلیف مواجهه و منفرداً استماع ایدلکلرنده بونلردن ایوبده بلدیله چاوشلنی ایدن یکریمی بش یاشنده آستانه لی علی افندی بن عثمان وقعه کیجه سی ساعت آلتی قرارلرنده جان قورناران یوقی دیه ایشدیکی فریاد اوزرنه باقدینده میخالک باغرمده اولدیگی آکلا دیغنی و پولیس مصطفی افندی دکان قیوسندن میخال وانی بی جیفاردیغنی و دکان ایچ جهته و آرقه طرفدن یاتقمده ایدوکنی و دکانه دن اون بیگ یکریمی بیگ غروشلق مال اولدیغنی و متهملرک وفات ایدن برادرلری زماننده دکانه مال ده ا زیاده

بولندیغنی سولیکله اون بیگ ایله یکریمی بیگ آره سنده بیوک برفرق اولدیغندن دکانه کی مالی ایجه تخمین ایتدی لزومی اخطار ایدلکده بیه اون بیگ یکریمی بیگ غروشلق قدر مال بولندیغنی بیان ایلدی .

یه ایوبده بلدیله چاوشی اوتوز یاشنده کنغریلی هاشم افندی بن عمر وقعه کیجه سی ساعت آلتیده ایشدیکی فریاد اوزرنه باقدینده بقال دکانی دروننک آرقه جهتی یاتقمده اولدیغنی کوردیکی و دکانه کی مال اولکینک درنده بری قدر ایدوکنی افاده ایلدی .

ایوبده سودجیلک ایدن مناسرتلی یکریمی ایکی یاشنده دیمتری ولد یوردان دخی وقعه کیجه سی دکاندن چیقیدینده دکانلرک یاتقمده اولدیغنی کورمش ایسه ده آتش زدن چیقیدینگی کورمیدیکی و متهملرک دکانه کی مالک مقداری بیلمدیکی اتیان ایلدی .

مدافعه شهودندن بلال افندیکن مملکته کیتدیکی جلینامه سی زیرنده محرر شرحدن آکلا شلمش ولدی السؤل مدافعه وکیلی بلال افندیکن جلب واستماعی طلبندن صرف نظر ایتدکری افاده ومدعی عمومی معاونیده طرفین شاهدلرنک استماعندن فراغت ایدیه یلجاکری یولنده سرد ماده ایتلریله بر موجب طلب بلال افندیکن استماعنه محل قالدینغه قرار ویریله دک آکلا دلدی .

اولنان استیضاح اوزرنه طرفین توسیع تحقیقاته متعلق برکونه طلبلری اولدیغنی سوللریله تحقیقاتک بوندن عبارت ایدوکی بیان اولندقدہ معاون موسی الیه متهم واسیل و میخال وایانک تحت استیجارلرنده بولنان دکانه کی اشیایی دکرندن فضله فیثاله سیغورطه یه قویه دق استفاده مقصدیله احراق ایتدکری صورت افاده لری و شاهدلرک اخبارلریله ثابت اولدیغندن مجرمیتلریه قرار ویرلسنی طلب ایلدی .

مدافعه وکیلی طلعت بک دخی موکلرینک تحت استیجارلرنده بولنان محترق دکانه کی اموالی دکرندن فضله فیثاله سیغورطه ایدرک بوندن استفاده امیلیه دکانی احراق ایتدکری دعوی اولیورسده دکانه کی مالی سیغورطه ایدن واسیلک برادری متوفی بدوس اولدیغنی وشهودک اخباراتندن بدوس زماننده مالک

دها جوق اولدیغنی آکلا شلمقدہ اولوب شو حالده دکرندن فضله فیثاله سیغورطه ایدلش دینیه میه جکی وواسیل وقعه زمانی دکانه بولندیغندن آنک بری الذمه عد ایدلسی لازم کله جکی و بوباده استماع ایدیلن شهودک کافه سی حریقندن متضرر اولدقلری جهته افاده لری احتیاطله تلقی ایدلک ایجاب ایدیه جکی و دکانه اون ایکی تنک غاز کتورلدیکی سوزی یالکز رجب افندیکن قولنده قالدیغنی و دکانه اولکی مالک درنده بری قالدیغنی سولین شاهدلر ارباب وقوفدن اولدقلرندن مالی تخمین ایدیه میه جکلری سیغورطه مأمورلری سیغورطه ایتدکری دکانی دائماً قوتلرول آلتیده بولندردقلری و وقعه کیجه سی واسیل دکانه بولندیغنی کی میخال ایله یانینک دخی طون وکوملکه چیقملری و تحلیص نفس ایچون دکان قیو سندن بشقه قچه جق محل اولماسی حریق کندیلری اشاع ایتدیکنه دلالت ایتدکه ایدوکنی یانه موکلرینک برائتلیه قرار ویرلسنی طلب ودرمان ایلدی .

لدی السؤل متهملر دخی بر دیه جکلری اولدیغنی سوللریله ختام محاکمه افهام اوله دق مذا کره اوطه سنه کیدلدی .

بروجه مشروح طرفینک ادعا ومدافعه لری استماع واوراق تحقیقیه مطالعه و تدقیق اولندقدنصکره ایجاب کیفیت لدی المذا کره متهملر هر نه قدر انکار تهمت ایتدکه و وکیللری طرفندن دخی بروجه محرر مدافعه ایدلکده ایسه ده وقعه کیجه سی ساعت آلتی زاده لرنده متهملرک تحت استیجارلرنده بولنان دکاندن دو مان چیقمدہ اولدیغنی و کینکلرک آره سندن باقلده یغنده دکانک درونی یاتقمده بولندیغنی کورلکه میخال وایانک دکاندن چیقارلدیغنی و متهملرک وفات ایدن برادرلری بدوس زماننده دکانه مال جوق اولوب سکرده دن متهملر زماننده دکانه اولکی مالک درنده بری قدر قلوب مال کتورلما مکده بولندیغنی و وقعه کیجه سی یانینندن اول دکانه لامبه یاقلمقدہ اولدیغنی و محترق بقال دکانه خارچدن برشی آلتیق امکانی اولدیغنی و دکانه هر آریایان شئی بولندیغنی کبی بولس نلرده ایکیشر اوچر قیه دن عبارت اولدیغنی خسته ایدوکی جهته افاده سی قرائت ایتدیریلن حاجی صادق ایله استماع اولنان ادعا شاهدلرندن پولیس مصطفی افندی وخاله ویکلی علی چاوش و فقی و قوه و جی سید وساعتی عاکف اقدیلر طرفندن مع القسم وعلی الدرجات بیان و اخبار ایدلسنه و شاهدلردن کورجی اسماعیل دخی حریقندن بر ویا بریق ماه اول موم آلق اوزره متهملرک دکانه کیندیکنده بوش برنج قزوینسه اوت و صمان طولده برمقدہ اولدقلری کوردیکی کذلک مع الیین خبر

ویرمسنه واطهار حقہ مدار اولمق اوزره استماع ایدیلن رجب افندی دخی حریقندن اوچ کون اول متهملرک دکانه اون ایکی تنک غاز کتورلدکری کور دیکنی سولسنه و متهملر تحت استیجارلرنده بولنان دکانه خارچدن برشی آلتیق امکانی اولدیغنی کندو لریده معترف بولملریه و حریقک کندی دکانلرندن چیقیدینی آکلا شلمسنه و دکانک سیغورطه لی اولدیغنه اشارت اولان سیغورطه تنکسنی قاعده دکانک یوزنه میخالق ایجاب ایدرکن بونکینک دکان دروننه وضع ایتلریه و متهملردن واسیل مذکور دکانه کی اموالی طقوز ماه اول اکیوز لری ابرا مقابلنده سیغورطه ایتدیر مش اولدیغنی حالده اموالک مقداری تدریجاً تقیل ایتسنه و آلتی بیگ غروش قدر مدیون بولندیغنی سولسنه و مدافعاته کنجه مدافعه شاهدلرندن بلدیله چاوشی علی افندیکن متهملرک دکاندن یانینندن اول اون بیگ یکریمی بیگ غروشلق مال بولندیغنی حقدہ کی افاده سی ادعا شهودینک افاداتیله مکذب بولنسنه وشهودک اشبو حریقندن متضرر اولملری کندولری شهادتندن اسقاط ایدیه جکی بدیهی بولنسنه و شاهدلر ارباب وقوفدن اولدیغنی جهته مالی تخمین ایدیه میه جکلری درمیان اولیورسده شاهدلر مالک آز اولدیغندن بحث ایتدکری کبی بولنان مالک دخی ایکیشر اوچر قیه دن عبارت ایدوکنی سوللریسنه و میخال ایله یانینک طون وکوملک ایله دکاندن چیقملری صنیعه اوله یلجه جکسندن اسباب برائندن عد ایدیه میه جکته و واسیلک حریق تعلیلاته اجرا ایتدیرمش اوله جکسندن اول کیجه دکانه بولنماسی برائتنه مدار اوله میه جگنه مبنی متهملرک انکارلری واهی و مدافعات واقعه نک دخی اسباب مبسوطه ایله مردودیتی بدیهی اولوب مرقومون بقال واسیل و برادرلری میخال وایانک اوچوز اون بش سنه سی مایسنک بدینجی جمعه کیجه سی ایوب چارشوسنده مستأجر بولندقلری بقال دکانی سیغورطه بدلندن استفاده ایتک امیلیه قصدا احراق ایدلکری ثابت اولدیغندن مرقو مونک اولوجه مجرمیتلریه متفقاً قرار ویریله دک محاکمه اوطه سنه عودتله قرار مذکور علناً قرائت و تفهیم اولندقدہ معاون موسی الیه مجرملرک قانون جزانک یوز آلتش اوچنی ماده سنه توفیقاً تعین جزالری ادعا ومدافعه وکیلی دخی موکلرینک تخفیف جزالری طلب وانیباً و مجرملر دخی بر دیه جکلری اولدیغنی افاده ایتلریله بوجت حقسنده کی محاکمه نک اوطه سنه کیدلدی .

جهت جزائییه حقدہ دخی مذا کره کیفیت اولندقدہ مجرمیتلریه قرار ویریلان واسیل و میخال وایانک

حرکتلری قانون جزانک یوز آلتش اوچنی ماده سنه موافق اولدیغنه و ماده مذکورده دخی « شهر وقصیه و قریه دروننده مسکون و غیر مسکون هر نوع ابدیه ایله سفینه لره عمد آتش ویروب احراق ایدن شخص احراق ایتدیکی بنا و یاسفینه بشقه سنک مالی بولندیغنی و یا خود کندوسنک مالی اولوبده آتشک سرائیله بشقه سنک بنا و یاسفینه سی دخی محترق اولدیغنی صورنده اگر اشاع اولنان حریق تلف نفسی موجب اولمش ایسه فاعلی اعدام و تلف نفسی موجب اولماش ایسه مؤبد کورک جزاسیله مجازات اولنور» دیو محرر بولندیغنه مبنی بوماده حکمه توفیقاً مرقومون واسیل و میخال وایانک مؤبد کورک قوللریسنه و اعلام وضبط واستطابق خرجاری اولان جمعا اوچوز طقسان غروشک مرقوموندن متسویاً تحصیلیه عدلیه و زنه سنه تسلیم ایتدیرلسنه اوچوز اون بش سنه سی شابطک یکریمی طقوزنجی کونی متفقاً قرار ویریله دک اصول تفهیم ایفا قلندی .

پولیس مأمورلریه اجرای وظیفه حالنده معامله تحقیریه ده بولندیغنی اصولاً ثابت اولان ترلا یاشنده ساکن خاجیکدن ایکی لریا جزای نقدی آلتسنه تری جزوی زوجه سی مانیونک ناموسنه طوقور درجه ده سوز سولیدیکی ادعا قناتن بکی کوبده ساکنه قابله التقودن برلیرا جزای نقدی آلتسنه مانیفاطوره جی جاقر یاقوننک خانه سندن اشیا سرقه ایدن قوندره جی قوجونک خانه سنده مقیم مانوئل ولد مار دیروسک سکرز آلی حبسنه قرون طلبه کاری نیکدلی لامبو ولد صاوانی ضرب ایدن قصاب مناهم ولد ایلیادن برلیرا آلتوب مضروب اعطاسنه شهر امانتی چاوشلرندن محمد علی افندی بی اجرای وظیفه حالنده تحقیر ایدن لونه ده ساکن حاجی حسن افندی برلیرا جزای نقدی آلتسنه بازیدده قدا نفجی مصطفی اغانک اموال منقوله سنه ایراث خسار ایدن قومقوبلی خرسو ولد بدوسدن اون بش بشلک جزای نقدی آلتسنه اجرای وظیفه حالنده قوندره جی طاطوبوسی ضرب ایدن قومقبو مرکزنده مستخدم پولیس احمد افندیکن یکریمی کون حبسنه در سعادت وبک اوغلی بدایت محاکمی جزا دائره لرنجه حکم اولمشدر .

مُحَاکِمَاتُ اَنْتِبَاہِیَّہ

حیادہ قضاسی نائی و بدایت محکمہ سی رئیس

عزت و محکمه مذکورہ اعضا سندن اولوب مستطلاک وظيفه سنی ایفا ایدن شمس الدین و برنجی کاتبی صبری اقدیلرک موادمعینه ده خلاف اصول و قانون معاملاتہ متجاسر اولدقلری یانیہ ولایتی استیناف محکمه سی مدعی عمومیلکنجه اجرا قلنان تحقیقاتی حاوی اوراق مندرجاتندن اکلشلمغله کاتب مومی الیه حقنده اصولنه توفیقاً و توحیداً تعقیبات قانونیه اجرا ایدلک اوزره رئیس واعضای مومی الیهانک محاکمه آلتته التملری ایچون مأذونیت و یریلهرک مذکور مدعی عمومیلکه تبلیغات مقتضیه اجرا و طرف عالی مشیختناهی به معلومات اعطا ایدلمشدر .

اِخْلَافَات

بک اوغلی بایت محکمه سی ایکنجی مقور دأره سنده :
صراف نیقوله قواله نک بک اوغلنده هوا زقاغنده بلانومرو خانه ده ساکن اولوب الیوم اقامتکاهی مجهول اولان تبعه دولت علیه دن کر قورهای بیار دمتنده آله جفی بولنان یوز اون آلتی عدد عثمانلی لیراسنک تحصیل حقنده بک اوغلی بدایت محکمه سی ایکنجی حقوق دأره سنده اقامه ایلدیکی دعوی و اولبابده اصولنه توفیقاً اعلان صورتیله وقوع بولان تبلیغ اوزریه مرقومهای بیارک عدم اجابتی جهتیله غیاباً جریان ایدن محاکمه نتیجه سنده مبلغ مذکورک مع فائض و مصارف محاکمه مرقوم کر قورهای بیاردن تحویلنه دأر ۱۳ ایلول سنه ۳۱۷ تاریخ وایکیوز سکسان سکز نومرولی اعلامک بر قطعه صورت مصدقه سی محکوم علیه مرقومک بر منوال مشروح غیبوتی جهتیله اصول محاکمه حقوقیه قانونک یوز قرق طقوزنجی ماده سنک فقره اخیره سی موجبنجه محکوم مرقومک مارالذکر اقامت ایلدیکی محله نک مختارینه تسلیم اوله ورق بر قطعه علم و خبر آلمش و دیگر صورتی دخی ماده مذکورده حکمنه توفیقاً محکمه دیوانخانه سنه تعلیق ایدلمش اولدینی معلوم اولمق اوزره اعلان کیفیتہ ابدار قلندی .

ازمیه بایت محکمه سی جزا دأره سنده :

بیک اوچیوز اونیدی سنه سی اغستوسنک یکرمی اوچنجی کیجه سی قره مرسل قضاسی داخلنده تپه قریه سنک طاغ دکرمانی باصه رق قریه مرقومه لی چوبان پنا یوطک سلاحرینی اخذ و کندوسنه اشکنجه ایتدیکی ادعاسیله مظنون اولان و در سعادت هیئت اتهامیه سندن حقنده اخذ و گرفت مذکره سی و یریلوب

اوراق تحقیقه ده اشکالی مضبوط بولنمیان کورله قریه لی دلی صفر الان اله کچوریه مامش اولمسندن ناشی اصول محاکمات جزائیہ قانونک اوچیوز یتش برنجی ماده سی موجبنجه قانونه اطاعتله محکمه یه کلکی ایچون طرف ریاستندن مجدداً اون کون مهل ویرلمش اولدیغندن مدت مذکورده ظرفده اثبات وجود ایتدیکی حالده محاکمه سی غیاباً بالا اجرا حقوق مدنیہ دن اسقاط و اموالی حجز ایدیله چکی و بوبابده مرقومک برکونه دعوی اقامه سنه حق اوله میه جفی کبی مرقومک بولندینی محلی بیلنر خبر و یرمکه و بالجله ضابطه عدلیه مأمورلرینک مرقومی در دست ایتکه مجبور بولندقلری اعلان اولنور .

تجارت بحریه محکمه سنده :

مقدما یدی قله ده ماریانو فابریقه سی داخلنده بقالیه اخذ و اعطاسیله مشغول مفلس دیوستنی حاجی خره - لمبوس دمتنده آله جفی اثبات ویا موقتاً قبول و قید ایتدیرمش اولان آله جقلیلرک قانوننامه تجارتک ایکی یوز اون برنجی و آتی ولی ایدن ماده سی موجبنجه مفلس مرقوم طرفدن تکلیف اولنه جق قونقور داتونک مذاکره سی ایچون ۳۱۸ سنه سی مارتنک یکرمی برنجی پنجشنبه کونی ساعت یدی راده لرنده محکمه تجارت بحریه نک افلاس اوطه سنه کلری اعلان اولنور .

اورته کویده دره ایچنده ساکن ایکن تجارت بحریه محکمه سندن افلاسنه حکم اولنش اولان مانیفوطوره بازار جیسی پاردیکنک خصوصات افلاسیه سنک رؤیت و تسویه سی ضمتنده دعوی وکیللرندن قیاماجیان آغوب افندی اصالة سنديک تعیین قلنمش اولدیغندن مفلس مرقوم دمتنده آله جفی اولانلرک قانوننامه تجارتک ۱۹۹ و ۲۰۰ نجی ماده لری موجبنجه تحقیق دیون ایچون تاریخ اعلانندن اعتباراً یکرمی برکون ظرفده سنداتی محکمه کاتبه تسلیم ایللری و مدت مذکورده ختامندن صکره اوچ کونده یعنی اوچیوز اون سکز سنه سی نیساننک التتجی جمعه ایرتسی و سکزنجی بازار ایرتسی و طقوزنجی صالی کونلرنده تجارت بحریه محکمه سنک افلاس اوطه سنه کلهرک سنديک افندی مواجهه سنده آله جقلری اثبات و قید و تصدیق ایتدیرملری و مدت مذکورده اثبات وجود ایدیه میان آله جقلیلر حقنده قانون مذکورک ۲۱۰ نجی ماده سنه توفیقاً معامله اولنه جفی اعلان اولنور .

بک اوغلنده جاده کیرده حاجوبولو خانی قارشو - سنده مغازه ده علقودیا ماندیدس و شرکاسنک ۱۶ مارت سنه ۳۱۸ تاریخندن اعتباراً اعلان افلاسنه و مصالح افلاسیه نک رؤیت و تسویه سی ضمتنده اعضا ملازمی عزتلو صبری بکک ژور قومیسر و کاتیان و علکساندر

پیرام اوغلی افندیلرک موقت سنديک تعیینلرینه و مغازه سیله اشیای زائده بیتیه سنک تمهیرینه و اوراق و دفاترینک جلبنه و بوبابده کی قرارک موقتاً اجراسنه محکمه تجارت بحریه جه قرار ویرلمش اولدیغندن قانوننامه تجارتک ۱۷۰ نجی ماده سی موجبنجه دائمی سنديککلر انتخاب اولمق اوزره اوچیوز اون سکز سنه سی نیساننک اوچنجی چهارشنبه کونی ساعت آلتی راده لرنده اصحاب مطلوبک محکمه مذکورده نک افلاس اوطه سنه کلری اعلان اولنور .

اعلامات شرعیہ اجرا دأره سنده :

متوفاة فاطمه زهرا خانم ورثه سنک مصطفی اغا دمتنده اسکدار محکمه شرعیه سندن اعطا اولنان بر قطعه مقتضا اعلامی موجبنجه آله جقلری اولان مبالغ معلومه نک تأمین استیفاسی ضمتنده مرهون و فروختی محکوم بولنان اسکدارده سلمان اغا محله سنده کاش اوتوز یدی نومرولی بر باب ملک منزل ایله آلتنده کی اوتوز بر نومرولی مرانغوز و اوتوز اوچ نومرولی مع اوطه ملک حلاج دکانلریله اوتوز التی نومرولی بر باب ملک آخورک اوتوز التی سهم اعتباریه اوتوز سهم حصه شایعه سی بوندن اقدام مزایده قونیه رق لیرای عثمانی یوز غروش حسابیله اون بیک غروش بدل ایله طالابی اوزرنده تقرر ایتش اولدیغندن یوزده بش ضمیله بوندن ده زیاده یه طالب اولانلرک اشبو تاریخ اعلانندن اعتباراً اوتوز برکون ظرفده اعلامات شرعیه اجرا دأره سنه مراجعت ایللری اعلان اولنور .

اعلامات نظامیه اجرا دأره سنده :

شیخ ابراهیم افندیکنک شهر امانت جلیله سی سر مهندس سعادتلو محمد افندی حضرتلری دمتنده بااعلام الاجنی اولان معلوم المقدار مبالغک تأمین تسویه سی ایچون مشار الیهک عهده سنده اولوب حجز آلتته النان فاتحه خراججی محی الدین محله سنده چقور حمام زقاغنده تخمیناً یوز درت آرشون عرصه اوزرینه مبنی فوقانی و تحتانی اوچ اوطه و بر مطبخ و برقیوی حاوی و شهری التمش غروش ایجار کتوریر اون اوچ نومرولی اخشاب بر باب خانه تمامنک تاریخ اعلانندن اعتباراً اون بش کون صکره بالمزایده فروخته تشبث اولنه جفی در سعادت اعلامات نظامیه اجرا دأره سندن اعلان اولنور .